



গণপ্রজাতন্ত্রী বাংলাদেশ সরকার

তথ্য অধিদফতর



PRESS INFORMATION DEPARTMENT. GOVERNMENT OF THE PEOPLE'S REPUBLIC OF BANGLADESH

তথ্যবিবরণী

নম্বর-০৯০

পূজা উদযাপন সুন্দর পরিবেশ তৈরি করার দায়িত্ব আমাদের সকলের- ডেপুটি স্পীকার

রাজশাহী; ৩০ আশ্বিন (১৫ অক্টোবর):

বাংলাদেশ জাতীয় সংসদের ডেপুটি স্পীকার মোঃ শামসুল হক টুকু, এমপি বলেছেন, বাংলাদেশ প্রতিষ্ঠিত হয়েছে সব ধর্মের মানুষের মুক্তিযুদ্ধে অংশগ্রহণ ও সংগ্রামের বিনিময়ে। সবারই এ দেশে নিজ নিজ ধর্ম পালনের পূর্ণ স্বাধীনতা রয়েছে। বাঙালি প্রতিটি ধর্মীয় উৎসবে স্বতস্কূর্ত অংশগ্রহণ করে। দেশে পূজা উদযাপনের সুন্দর পরিবেশ তৈরি করার দায়িত্ব আমাদের সকলের।

আজ রবিবার (১৫ অক্টোবর) বেড়া উপজেলা পরিষদ সম্মেলন কক্ষে শারদীয় দুর্গাপূজা-২০২৩ সুষ্ঠু, সুন্দর ও শান্তিপূর্ণ পরিবেশে উদযাপন উপলক্ষ্যে প্রস্তুতিমূলক সভায় প্রধান অতিথির বক্তৃতায় তিনি এসব কথা বলেন।

ডেপুটি স্পীকার বলেন, বাংলাদেশকে অসাম্প্রদায়িক দেশ হিসেবে গড়ে তোলার জন্য জাতির পিতা বঙ্গবন্ধু শেখ মুজিবুর রহমান আজীবন সংগ্রাম করেছেন। বঙ্গবন্ধুসহ স্বপরিবারকে হত্যা করার পর তাঁর আদর্শের যোগ্য উত্তরসূরী প্রধানমন্ত্রী শেখ হাসিনা দেশে ফিরে এসে সাম্প্রদায়িক রাজনীতির বিরুদ্ধে লড়াই করে দেশকে সংবিধানের মূলনীতি অনুযায়ী পরিচালনা করছেন।

সভায় প্রত্যেক পূজা মন্ডপের জন্য সরকারি অনুদানের ৫০০ কেজি করে চাল প্রদানের ডিও প্রদান করা হয়। সুন্দরভাবে পূজা উদযাপনের জন্য জেলা পরিষদ হতে প্রত্যেক পূজা মন্ডপে ২৫০০ টাকা করে নগদ অর্থ প্রদান করা হয়।

বেড়া উপজেলা নির্বাহী কর্মকর্তা মোঃ মোরশেদুল ইসলামের সভাপতিত্বে সভায় পাবনা জেলা পরিষদের চেয়ারম্যান আঃ রহিম পাকন উপজেলা চেয়ারম্যান মোঃ রেজাউল হক, উপজেলা আওয়ামী লীগের সাধারণ সম্পাদক আবু সাঈদ, পূজা উদযাপন কমিটির সভাপতি ভৃগুরাম হালদার ও সাধারণ সম্পাদক সুজিত কর্মকার পৌর মেয়রসহ বিভিন্ন সংগঠনের নেতাকর্মী, সংশ্লিষ্ট ব্যক্তিবর্গ ও গণমাধ্যমকর্মীগণ উপস্থিত ছিলেন।

পরে 'সাদা ছড়ি হাতে ধরি, স্মার্ট বাংলাদেশ নিজে গড়ি' প্রতিপাদ্যে আয়োজিত বিশ্ব সাদা ছড়ি নিরাপত্তা দিবস-২০২৩ ও বিশ্ব হাত ধোয়া দিবস উদযাপন উপলক্ষ্যে র্যালি ও আলোচনা সভায় প্রধান অতিথি হিসেবে অংশগ্রহণ করেন ডেপুটি স্পীকার। এছাড়া ক্যান্সার, কিডনী, লিভার সিরোসিস, স্ট্রোক প্যারানাইজড, জন্মগত হৃদরোগ ও থ্যালাসেমিয়ায় আক্রান্ত রোগীদের ও স্বেচ্ছাসেবী সংস্থার মধ্যে এককালীন অনুদানের চেক তুলে দেন শামসুল হক টুকু।

শোয়াইব/তৌহিদ/সিকান্দার/রুহুল/হালিম/২০২৩/১২.১০ঘ.